

道光遵義府志

遵義府志卷十一

金石

集錄金石文字始自歐陽文忠證史傳之訛謬補前  
載之不備莫此爲確故後之蒐輯者尤加詳焉遵義  
自開置以來漢鐫唐刻當必不止宋王氏碑目所載  
遞土遞流兵燹敲礪銷磨榛莽中者不知凡幾今窮  
搜潛剔荒巖破寺頗有畱遺文獻不足賴此依據如  
夜郎城碑可證唐夜郎舊治尹公講堂可證唐播州  
舊治牟氏墓銘可證唐榮懿舊治又如有高巖廟碑  
一郡之職官始得備言有聶文啟碑道興之妖亂始

見崖略似此之類皆是多師茲自三代至明凡吉金  
貞石彙爲一卷並注存佚以資探討耳目所限俟來  
者焉

商

父己鼎存

父己父己

按鼎以建初尺度之通高七寸耳高一寸有穿足  
高三寸一分脣博三分有半四隅深二寸五分中  
深三寸一分口前後通脣徑四寸二分強左右徑  
五寸三分底前後徑三寸五分左右徑四寸六分

腹前後徑三寸四分左右徑四寸五分重今庫平  
三十兩七錢四分銘曰父已腹每面作一饗饗上  
作兩夔間雷紋足作蜚形鼎藏遵義舉人鄭珍家

周

仲亞父旅孟

存

中亞父旅孟

仲亞父作旅孟

按孟度以建初尺口徑五寸一分腹徑七寸四分  
底徑四寸二分深三寸八分銘曰仲亞父作旅孟  
陽文三行在底外行二字腹周作回紋重庫平  
十兩七錢四分藏府學

漢

未央宮瓦當

存

身坐黹纈 長生無極

按瓦藏遵義鄭珍家

先緒碑

亡

按水經注符縣長趙祉遣吏先尼和以永建元年十二月詣巴郡沒死成湍灘子賢求喪不得女緒年二十五有二子五歲以還至二年二月十五日尚不得喪乃乘小船至父沒處喪哭自沈見夢告賢曰至二十一日與父俱出至日父子果浮出江

上郡縣上言爲之立碑以旌誠孝也考永建漢  
帝年號此碑自歐陽集古錄趙氏金石錄洪氏集  
釋續王氏輿地碑目婁氏字原劉氏隸韻皆未之  
及則其亡久矣

西心坎崖上隸書

逸

按王象之輿地碑目考南平軍云西心坎上有隸  
書云本初三年三月十六日共二十餘字多殘缺  
不可讀在溱溪砦路去軍七十餘里本初後漢質  
帝年號

吹角壩古磨崖

逸

按輿地碑目考吹角壩有古磨崖風雨剝苔蘚  
侵蝕惟識建安二字他不可辨在潯州堡去軍四  
十里建安漢獻帝年號

姜維碑

逸

按輿地碑目考姜維碑在吹角壩其始有一穴開  
內有碑相傳以爲姜維碑今已磨滅

銅雀臺瓦

存

建安十三年造 建安十三年造

按瓦藏遵義宦氏琢爲硯乾隆間桂陽知州宦儒  
章買之燕市

銅罍

按罍通高建初尺尺六寸七分深尺三寸九分底高二寸八分口衰徑五寸八分廣徑七寸腹衰徑八寸三分廣徑九寸七分腹旁兩耳腹周作雲雷紋下作饗饗形間雷紋遵義縣杜昭官江蘇知縣時所得

大吉祥

存無年月

大吉祥 大吉祥

按甗藏遵義黎氏桐鄉知縣黎恂得之嘉興

銅鼓



銅碑存

按鼓四周花草蟲黽紋古緻斑駁世傳銅鼓諸葛所遺此或然也嘉慶十九年遵義縣永安莊土人掘得置永安寺典史陳丙移置桃源山晚香閣中按碑在仁懷東北二百八十里羅漢埧之大樹三間距地二丈許其大半爲樹皮所裹相傳蓋漢舊倚樹立土上樹長承之而起承之之枝復長與樹身等遂裏樹中不可出也其間大樹數十生和不一鳥不敢栖土人謂之神樹春則祈禱焉枯槁自墜不敢拾而薪之拾則病疫樹皆徑一丈以

唐

銅佛壩銅佛像亡

按王象之輿地紀勝銅佛壩在故南平軍一  
地有金銅佛像二相傳爲唐明皇所鑄舊志  
平軍內有石碑上題南川縣知縣事三槐王  
龍鎮山李公廟碑亡

按碑在遵義縣城東龍鎮山上明移廟高巖並移  
碑碑立以乾符元年載貞觀八年建廟及乾符元  
年補修事

國朝乾隆間尙存尋爲修廟者所碎

勅賜羅榮鐵券未詳

尹公講堂碑存

漢尹珍講堂

唐廣明元年七月六日播州司戶崔初立

按碑在綏陽縣旺草里明萬厯甲辰知縣詹淑修  
公署掘地得之仍建講堂立舊石而爲之銘

夜郎城碑逸

按升菴集云夜郎在桐梓驛西二十里有夜郎城  
碑尙在字已漫滅今按此碑必唐末廢夜郎縣時  
所立廢後無緣建此故附唐碑之末

宋

石佛像存

按像在桐梓縣北二百五十里崇恩寺中背刻勅賜青蓮院住持比丘從白元祐八年十五字寺又有古銅鐘其紐舊爲人敲折自相長接

銅佛像

按明統志像在宣慰司佛光寺內據楊氏先德廟碑其先有名選者獵於荒莽中見一巖人物從獵者疑爲怪白其事選遣人往視則風雷暴至不可邇選自往風雷如初有僧進曰古像靈異必齋戒

誠敬乃可如其言而往獲觀其像乃徙於觀音院  
今徙于本寺考明宣慰司治節今府治像存亡未  
詳

夜郎溪石刻

宋顏師賢庚寅四月十五日偕陳光季壽伯仲季  
酒泛舟采尋觀堂先生舊題追想前遊以十七年  
而公尙期載至大書劉公水調辭於後壁以爲異  
之光勸子一杯酒清淚不須流人間千古俯仰  
說楊州何況楚王臺畔爲雲爲雨無限人事付  
聚散隨來公天地肖虛舟謫僊人解

與君遊流觴曲水且廣酬麾蓋飛迎過羈江濱响振  
歌喉拚醉又何求三萬六千日日日此優遊是年甲  
辰正月書於夜郎溪上

續補全蜀  
藝文志

按此刻存亡未詳

李延昌等題名

育

少城許自得深之政暇邀樊南李延昌紹隆東里馮  
懷遜順夫左綿張詢彥周眉山蒲璵質夫昭德晁公  
退子愈烏延王墳伯和潼川李定民唐鄉鄭圃宋延  
嗣永叔夷門吳椿大年濟南崔旭光遠西河李佺全  
道以紹興十七年七月十有四日泛舟同遊紹隆題

按綦江志凡百字許自得成都人政和進士張詢  
綿州人建炎二年進士蒲璵眉州人紹興進士餘  
九人無攷紹興十七年至今已六百七十餘年滄  
桑雖變字畫猶宛然如故

趙牟氏墓誌銘右

范器撰其銜詳

彤史職廢淑德懿行泯而不傳有能碣石墓側者亦  
庶幾矣鄉人趙允兄弟奉其母之喪以狀丐銘詞甚  
哀予其何以辭孺人姓牟氏隱君諱里仁之女進士  
趙之才之配其先蜀之資陽人累葉以富顯隱君熙

亭初挈資遊南平顧膏腴可取遂家榮懿自是質產  
盛甲一鄉孺人及笄隱君謂家人曰四子一女吾何  
憂女聰慧當選所宜歸先是允大父諱言亦至自武  
信與隱君產業相頡頏人目爲趙牟久之兩翁相謂  
曰資與武乃粉鄉今在異縣盍講好焉隱君以之才  
有文行納爲贅壻既而更治第俾得自如其實連牆  
若一家逮析產視兄弟一無厚薄父母之愛篤矣孺  
人處榮懿舅姑處新市相距一舍旦暮未嘗廢起居  
禮其可奉甘旨者楹致盤攜婢僕馳送殆無虛日舅  
死畢喪葬念姑髮已鶴迎養於家奉事不怠姑死送



終禮益厚孺人之夫天資麗落無鄙吝態客至未嘗  
稅駕杯盤森列實孺人內助故不勞咄嗟孺人年踰  
三十夫死男女幼稚族黨有爲勢位者所撼議以再  
適孺人守義甚堅議者沮縮妄袁氏初亦欲求去孺  
人令終制乃嫁之此人情所難者嫠居四十年冠婚  
喪祭供輸餽贐各得其宜遞今阡陌連綿不失尺寸  
是雖肯堂者能立實自孺人遺訓耳至若延士以訓  
子孫種德以厚基本孤貧知恤内外加敬此里閭知  
之甚詳因不復錄孺人享年六十有八卒於正寢實  
紹興三十年四月十八日也生二子曰充曰允業進

士舉功名遲速未可量二女長適進士牟贊先孺人  
十年卒次適進士牟蕃後孺人三年卒孫男三人康  
國康朝康世疑疑可喜孫女五人充允弟兄卜以乾  
道元年十月甲寅遷孺人於輕難壩良山下寶祐葬  
也謹爲之銘曰爲婦以孝爲母以賢有一於此名胡  
不傳兼而有之奚以銘爲德全名著固無足疑銘之  
謂何久而不磨傳者益遠知者益多

綦江志墓在邑東永里金蘭壩石山麓無有知其  
誰氏者嘉慶初久雨塚旁崩開一穴窺之黑暗有  
好事者持火觀之石洞乾潔碑字無稍剝蝕羅星

聞其異屬戚人駱德煥抄出而封其穴宋孝宗乾道至今近七百年滄桑屢變塋志猶新亦斑斑典物矣所云輕難壩今訛爲金蘭壩榮懿新市等地疑在今扶歡壩青羊市諸處也按此志雖在綦江地而亦與桐梓之東北界接壤且所言榮懿新市足資地理考證者尤多故錄之

家訓碑

通

按明統志云宋忠烈公楊燦以十訓刻石示子孫曰如能順從則世享福壽貴州通志云碑在白綿堡潛溪集云榮作家訓十條曰盡臣節隆孝道守

箕裘保疆土從儉約辨賢俊務平恕公好惡去奢

華謹刑罰

祭嘉定時人

何德固等題名

存

廣漢何德固叔堅懷安憲似之季有與客遊夜郎溪  
觀二劉題字顧謂客曰夷叔樂而疑之子輝樂而忘  
之其致不足於此溪者一也我則異於是曰敢問其  
所以異曰君其問諸水濱客爲誰懷安憲慶餘久善  
邦人劉鈇子用趙仲午義叔姚之邵德遠涪陵鄧有  
裕好問漢嘉焦仲勉父湔江景屋伯有期而不至有  
眉山孫戒周翰懷安蘭德孫恭叔嘉定辛未冬仲二

十有四日

按棊江志引朝野雜記李璧季章爲參知政事以  
劄子薦蜀士十二人於朝廷乞召擢守貳四人有  
隆興倅何德固云云至邦人劉鉞乃嘉定辛未進  
士餘人不可考碑亦無剝落

嘉熙時題名殘刻存

念二日退自公遊夜郎江觀故跡蘇李

白草芥輩待其徒无錫亦渠友

生之慨然曰許評詳嘉熙十年

宗國呂元此所謂夜郎者余遊而樂之

其亦今同來之人許之

按此刻多殘剝不可讀與前顏師賢李延昌何德固三刻並在桐梓縣北二百五十里夜郎溪上石壁間

虎峯三銅佛像存

按像在桐梓縣虎峯之崇德廟中楊价所鑄

舊鼎山城門榜遺字存

寶祐戊午

按桐梓賈志廢鼎山縣宋置後廢城門尙存石榜

鐫有寶祐戊午四字戊午寶祐六年也

八卦碑存

按碑在桐梓縣北二百三十里碑記垠上有山川堂記四篆字下列八卦餘漫漶不可識相傳爲宋刻

元

至正元年殘刻存

按殘刻在遵義城北一里洗馬灘側石上僅至正元年閏五字傳蓋當時民間鑿記水漲所至者其下半石已崩落

牛蹄塘龍洞碑

之碑真書

缺于古人物造于觀拆置田行缺昔非匪

乃獨力敢為將後恐行第二訓子之家鄰里鄉黨

五姓人族行第三缺無識之徒妄立名色為民主

証行第四人各該備童男童女二雙白牛十隻赴

行祀刁誘口之人亦同如是其行第六眾姓入

等各宜安分守已永守此土無行第七宜二心代代昌

盛其傳派子孫乃昌乃行第八吉可遠可大各宜請認

者行第九



至正十年歲次戊寅九月天赦日書

永禎忠祖

尉示

下缺龍折

立石

按碑高二尺許廣尺許上有額下字十一行前四行及第六行減者僅二三字然語多不可通碑在郡北三十里牛蹄塘西龍洞上前三十年土人於洞上墾出時龍見數日鄉人醮祀大漲乃沒追光辛丑正月十一日洞水忽縮至五月廿三甚雨大漲水復出流據碑知當時洞龍肆虐鄉人嚴祀之此碑乃其要約也至用四童男女快飽妖涎極駭觀聽至今似尙有靈者吁無吹毛殷此牛蹄也

王皇觀碑

存明重刻

芝山正一宮梓潼樂筆記

十字篆書橫一行爲額

大報天正一宮記

金闕上相檢校太師混元內府三清上宰大都督府  
行便宜事虎符龍券總諸天星曜判桂祿嗣籍九天  
開化主宰文昌司知貢舉真君臣張亞謹撰

曰祭之大者莫大乎祭天天之尊者莫尊乎上帝天  
子祭天地諸侯祭社稷及封內山川此萬世不易之  
大法也故季氏旅泰山孔子深責冉有而大林放之  
問及有非其鬼而祭爲諂之語其示訓亦明矣播自

唐乾符間太師楊端肇基此土十有三傳至宋忠顯  
廟威靈英烈侯介天挺英豪聰明勇智公餘之暇常  
登高眺望謂城西碧雲峯下公府西北隅夷衍清勝  
隱然有神仙窟宅氣象由是慨念先公保此民社貽  
遺子孫實荷上穹顯錫鵬佑所致夙冀薦興葵傾芹  
獻宜巖厥所舍是無稱建置者乃獨斷于衷鳩工度  
材卽地創宇署曰大報天正一宮西據東向北安大  
殿榜曰玉京金闕中嚴帝像壁湧釋迦玄元主徒挺  
飭環奇左右廊廡複閣齋堂凡若干區朱碧翬飛實  
一時之偉觀蓋寶慶丁亥歲中應樞密崇德公文平

章事惠敏公邦憲平章事忠宣公漢英奉祠惟謹天  
曆己巳六丁取將土木雖隙而朶雲駐空瑞氣猶在  
元統元年嗣公宣慰使嘉真錦還自京未構居室首  
卽舊址掃除瓦礫庀建是宮凡十載而中殿二廡門  
庖齋舍始成寶像裝嚴端居在上三官五帝列曜羣  
辰嶽瀆祀典百靈環侍壁繪咸備規模宏廣視前有  
加而奢儉得所仍增常住田畝數十戶口亦如之以  
給主奉者且易故額爲昊天寶殿謁臣作文以紀之  
臣欽惟皇皇上帝其尊無對高居九重之上雖真仙  
侍宸未嘗獲覩慈容惟見紅雲鬱藹卽知帝臨御焉

主張萬景降衷下民以自然爲功以大生爲德無一  
命不由其賦予無一物不被其化育巍巍蕩蕩不可  
得而名言故以形體謂天以主宰謂帝以妙用謂神  
以性情謂乾以氣色情位相備則曰蒼昊昊上以方  
維則曰皐變立幽皓朱炎陽以中央則曰鈞天合而  
言之則一而曰矣古今有天下者禋祀于圓丘法象  
然也今嘉真善繼祖志重設楓宸恪恭小心對越昭  
事仰則歸美聖君祈綿景祚俯輒悔戾臣職保奠邑  
家惕勵孜孜圖悠久計非亡謂也或曰諸侯祭社稷  
山川播秩列公乃建宮祠帝以臣召君于禮豈不謬

耶臣亞曰然則然矣是乃禮之經也必有權焉所謂  
有其舉之莫敢廢也戴記曰獺祭魚豺祭獸豺獺尚  
知報本曾謂人而不如豺獺乎況播爲西南大藩府  
楊氏實千萬世方伯連帥者也 旨

至正六年丙戌嘉平吉旦

資德大夫湖廣等處行中書省左丞上護軍臣楊嘉  
真

資德大夫播州軍民宣慰宣撫都指揮使臣楊忠彥  
重建

右正德庚午秋七月逆賊楊友等叛亂攻劫州治琳

宇遂罹兵燹仰仗上天恩佑祖禰遺庥再安宗社凡十四載舊規始復仍各施田若干畝以供香火之用上願皇圖鞏固侯祚綿長福及子孫澤覃黎庶

大明嘉靖元年歲次壬午孟秋吉日前昭勇將軍四川按察司按察使掌播州宣慰使司事臣楊斌偕男懷遠將軍播州宣慰使司宣慰使臣楊相重建

按碑在城內觀中其文自補蜀統文志及四川總志陳志皆載之而貴州通志不載今考此文作在至正中而楊氏家聲卽于此時自嘉真隳之記首責以祀天非禮蓋逆知此後之楊氏將不復可制

矣曉以太義庶有懲乎卒不自警省以取滅亡宜  
哉碑兩側載施田人地不具錄嘉真諸志皆作嘉  
貞當以碑爲是

明

蒙渡石刻存

按按刻字在桐梓縣蒙渡河側者凡二一正書云司  
委官狐曾趙下義正統十一年八月分一篆書三  
字云

金瑞山 鐘存

明成化二年丙戌播州在城清湘坊蘭希珍因兄希



淳從役發口鑄造重一百斤銘曰

取則鳧氏捐金是形以摩以擊若雷若霆警發迷昧  
振薄幽冥鐫功紀善銘德喚醒昭垂千古感格萬靈  
與神同休與國同寧遠延福壽永播芳馨叩之則應  
以鑒斯銘

功德主懷遠將軍播州宣慰使司宣慰使楊輝

按鍾在遵義縣東六十里金瑞山寺中

楊侯輓詩跋碑存

按碑在城南五十里雷音寺中首題跋退齋楊侯  
輓詩後末題成化十九年癸卯歲秋九月之吉賜

進士及第通議大夫禮部右侍郎兼修玉牒前翰林院學士豫章謝一夔跋文載上官傳

成化誓鬼符刻

存

按刻在府城南七十里廟林古藤纏抱不著地俗因呼飛來碑上刻日月符篆下一行書成化二十二年三月二十八日立中行書勅天師誓鬼石敢當未行書誓以絕咒除陳解散冤訟等字城北六十里道旁阜上亦有此刻

辰山銅鍾布

天峯禪寺古之未有成化間壽上人開創建立巍然

煥然足爲一方之表鎮羣生之倚賴焉夫壽乃緇流  
中巨壁旁通經傳而合三教于一源初而脫迹龍山  
終而養真天峯豎梵宮塑佛像以爲歲時向善之景  
仰對越雖寸材片石皆其精神念慮經綸所致此寺  
之興也誠爲不偶壽之功之力歟旣落成鬼神呵護  
香火隆盛于以祝皇圖之鞏固于以贊我邦之綿遠  
然而壽一時天人相與之妙將亦膾炙人口于不泯  
焉寺宜有鐘以鎮名利壽來告予冀成之予欣然捐  
資命工甄銅以成其質用述其由壽號天峯俗姓劉  
竹杖道人其別云以爲銘銘曰

鯨音吼兮度寥廓用之廣兮緣體博先天生兮聲已  
作後天存兮聲愈闊聞法界兮神欣躍福蒼生兮躋  
極樂願聖壽兮享天爵千萬禩兮統萬國我邦祚兮  
同旁碑證無上道兮佛光彌滿于六合

宏治七年甲寅歲孟秋

功德主昭勇將軍宣慰使楊愛 普福寺開山比丘  
興壽 計銅重三百斤

按鐘在綏陽縣西十五里辰山寺中陳志云鐘響  
按四時舊傳宋祥符間有鐘飛來山頭因建寺綏  
志至以辰山翼鐘列八景之一此其妄不足辨卽

前金瑞後普濟二鐘俗間亦以飛來相耀異甚矣  
人之好怪也

增修普濟橋記

存

按記刻府城北三里石壁上其語多鄙贅不可曉  
茲節其足備攷証者云去城北二里許有橋曰普  
濟先侯六世祖忠烈公肇修郡之儒學及琳宮梵  
刹橋道普濟橋其一也旣建普濟橋于崖溪建庵  
宇爲壯觀久而浸廢及忠宣公復重脩今郡侯仁  
齋公嘆先侯所建之迹時往來其間而遊玩焉嘗  
曰肇基郡治此先施焉予欲繼述先志未遑也迫

聖天子之弘治元年蜀播土人石永安楊忠感侯之德兼亦有寄跡久遠意于是捐資勾工增橋葺庵建僧堂經閣廊廂齋廚種植花果樹木寄樂其間又捨田數畝延僧住持云云大明弘治九年丙辰歲夏四月既望冠帶官李敬德撰并書是刻之側又有嘉靖三十年修橋記

普濟菴銅鐘銘存

大功德主贈昭勇將軍播州宣慰使司致仕宣慰使楊愛誥封播郡夫人田氏睿榮昭勇將軍播州宣慰使司宣慰使楊斌恩榮冠帶官楊譽信女

德慧善慧懿慧

善土石永安義男楊忠捐已資產繪塑佛像葺菴完  
美造鐘一口銅重百五十斤竝香爐花瓶一付共三  
事永充普濟菴供養上祝侯祚綿延身躬安泰吉祥  
駢集壽算遐長銘曰

閤皂之氣鍾山之精匪雕匪刻以陶以鈞資乎橐籥  
化工妙成名冠八音是曰金聲鯨魚一擊蒲牢大鳴  
揚動玉律秋肅霜清魑怪遠遁蛟蜃潛驚佛徒警覺  
商旅戒行采文追蠡優劣誰評用壽于鈍億萬千齒  
祚我侯國永稱斯銘

大明宏治十四年歲次辛酉秋七月六日良吉冠帶  
官李敬德謹讚

住持善圓 匠氏楊小章張晟 總管

韓善童輔

按鐘在府城內玉皇觀中據序言普濟菴菴在府  
北三里普濟橋側不知何時移置

白飛霞題字存

水瀾瀾石齒齒白飛霞曾到此

按貴州通志石壁仙題在府城北三十里石壁上  
刊有山齒齒石瀾瀾白飛霞曾到此十二字下有  
清泉一道初傳白真人曾于此沐手至今取以療



疾頗驗今按此刻實在府北三里竹鼉溪上通志云三十里衍十字且上二句顛倒錯異皆志之誤所謂清泉卽在此刻下濱于溪刻後無年月考顛仙紫霞石室記云戊寅春始從飛霞白仙師游相與半載記卽刻于正德十四年巳卯是飛霞到此時正德十三年也飛霞著書有韓氏醫道方外奇方見本草綱目引

紫霞石室碑存

嗣唐太師守播四拾柒代雲霄紫霞石室碑記篆書額丙子鄉闈進士雲貴兩省解元金陵鄒志學撰文

賜進士第光祿大夫柱國少師兼太子太師吏部尚書華蓋殿大學士經筵講官重修國史會典新都楊廷和篆額

嗣漢四十八代天師誥授致虛沖靜承先宏道大真人掌天下道教事湛然張彥頤書丹

神霄散吏有顛仙者依紫霞洞天建大宮宇榜曰先天觀以爲崇奉所其山去播南三十里地名高坪之北迺涵蟾子煉丹之地也其南下三里許爲千歲峯河流擁前諸山森立磐迺峻異極一方之形勝焉仙翁嘗命童子執香導引振衣長步時或嵐銷霧斂景

明物熙乃撫掌而歌曰水泠泠兮山蒼蒼雲隨鶴杖  
兮風吹我裳浮生展轉兮春夢悠揚千萬斯年兮任  
流光已而顧謂童子曰夫始終者萬物之大歸生化  
者性命之區域是故斷心蕩性泛而不切者烏在其  
爲儒含生執有泥而不達者烏在其爲仙神而明之  
存乎其人此良可爲壽宅也若宜鑿石爲室卽予冲  
舉後收簪裳藏焉童子其成之尋拂衣歸崇奉所傍  
有屋數椽日與神霄諸弟子講周易論心性凡先天  
後天之蘊無極太極之精與夫內聖外王之學無不  
發揚殆盡嘗曰昔在帝王御世聖賢垂訓仙師度人

未嘗不以人道爲先者蓋人之有生以有此心心之  
活靈以有此理天理一息不存則人心隨之而失人  
心旣失則身無管攝而人道絕矣雖欲長生久住竟  
亦何所爲哉故曰未修仙道先修人道人道旣修則  
天道不遠矣然人道之大惟孝與忠千緒萬端皆由  
此出盡其道而往則庶乎仙階可臻矣旌陽許祖淨  
明秘旨率是道焉又曰太上五千言其旨不過清淨  
無爲而已在儒家則定靜之學焉釋氏金剛要領其  
功在降伏其心夫所謂心卽儒學之人心也夫所謂  
降伏卽儒學之謹獨而精一也同宗異派大抵如此

異學者流顧以爐火醮祭符咒邪枉私已惑人者爭  
尚競逐悲夫誠三教之罪人也小子勉旃小子勉旃  
由是而觀仙翁之自修與其所以教人皆本之于儒  
以開其端參之於道以神其用其凝定修養之學又  
勿忘勿助之心耳據仙翁系古夜郎諸侯國之裔一  
元道人家子也名道凝嗣派居五也一名洞清字全  
之顛仙其所自號焉方母氏太夫人之娠也老媪馬  
真者夢一童子從七曲帝君側乘白鹿入寢詰朝而  
仙翁誕既長服官政動以旌陽諸公爲法人多德之  
然值世運多故乃以權變自處而不失經常之道其

循良之蹟戰陳之功寵賚之深出處之正較之流輩  
絕無而僅有者也甫弱冠太立歐陽先生授以清微  
雷法凡呼召風雨役使鬼神立有奇應後雲山道人  
授以五雷法青霞真人授以靈寶法四十八代天師  
授以正一法凡入壇行持輒有異感大概濟人利物  
之功居多匪旁出祈禱漠無意於斯世也先是嘗夢  
一老師謂曰子宜學道以贖往憾則壽可延矣乃朗  
吟曰寫遍丁香葉到處不求知若問吾姓名八卦桂  
九枝遂失所在益南極星云丁丑冬十一月癸丑夜  
方靜坐忽聞異香入室氤氲經時乃散尋夢感旌陽

許祖授以淨明忠孝至道時亦神遊玉京累感高真授以內外二丹之旨戊寅春始從飛霞白仙師遊仙師知爲偉器相與半載乃以神霄心印傳焉補上清大洞迴車畢道經籙太清三境金闕法師天機上相淨明法主洞玄明道輔聖真君嗣神霄玉府心印雷吏王蟾白真君宗派問亦旁通儒釋之典博覽百家技藝著有立教大成道法雙明玉書神霄清嘯玉府瓊章諸書蓋會萬法而集大成猶儒門之有考亭也然大要則凝神定性以合大道自然之虛外則明教演法以祛俗流妄誕之弊此則垂世立訓之本意也

固非以養生爲端門焉夫衛身而自私者立門之標  
榜也久延而歸空者仙室之門戶也仙翁則異是焉  
殆燭其機而行之以誠洞其微而守之以正與可謂  
有道士也已於戲七曲之精其降臨也南極之星其  
壽徵也後天而凋三光不毀道氣永存也維彼石室  
抑示人以理之真也

皇明正德十有四年歲在己卯菊月吉旦顛仙立石  
按碑在府城北三十里紫霞山先天觀中顛仙舊  
不詳其何許人及何姓陳志書楊顛仙通志書張  
顛仙以此碑額首云嗣唐太師守播考之則姓楊



是也其誤爲張者顛仙有詩刻府城東桃源洞世俗悉謂張三丰書因是耳顛仙又有詩刻城南三十里鶴鳴洞中其印文曰致政憲使考楊氏在明時惟斌曾爲四川按察使在正德二年踰年裁之見明史又十二年以凱里重安更相仇殺巡撫鄒文盛遣參議入播督致仕楊斌撫平之則斌此時已先致仕至嘉靖元年重建正一宮碑題銜尙有斌名則斌至嘉靖中猶存此碑建年適在中間與致政憲使之印文相契是顛仙必楊斌也且碑云夜郎裔必指楊氏又云家子斌卽愛長子又云戰

陳之功寵賚之渥亦與明史所載斌事應想楊氏  
當時境內不外總管把目如記文所稱勲位尊榮  
撫仕高退唯意自適計必無足當之者則顛仙之  
爲斌益無疑至額所謂四十七代者與楊氏自端  
至斌爲二十六代不合乃其道家師承之代下屬  
爲文不當與守播聯讀也斌以狡橫不受節制賂  
取戰功挾求爲流官晚年乃欲借神仙隱名以欺  
世何爲哉而其詩筆字畫之見存者亦殊不俗

桃源洞口詩刻存

按刻在府城東桃源洞內口左右石壁上左刻破

衲蓬頭方竹杖七律末書顛仙醉筆右刻沽酒登  
高一典衣七律末書神霄散吏其內方稍下又刻  
或賣癡來或賣顛七絕末書顛仙皆草書三詩已  
入藝文故不重錄

桃源洞中詩刻

存

樹入天台石路新雲和草靜迴無塵烟霞不省生前  
事水木空疑夢後身往往雞鳴巖下月時時犬吠洞  
中春不知此地歸何處須就桃源問主人

右劉  
晨阮肇遊天台

天和樹色靄蒼蒼霞重嵐深路  
茫雲竇滿山無鳥

雀水聲沿澗有空竇碧紗洞裏乾坤別紅樹枝邊日月長願得花間有人出免教仙犬吠劉郎  
右劉阮洞中遇仙人

殷勤相送在天台仙境那能得再來雲液旣歸須細飲玉書無事莫頻開山當洞口應長在水到人間定不回惆悵溪頭從此別碧峯明月照青苔  
右仙子送劉阮出洞

不將法曲理霓裳鹿夢那如崔夢長洞裏有天春寂寞人間無路月茫茫玉池瑤草連溪碧流水桃花滿酒香晴露風燈自飄落此生無處問劉郎  
右仙

子洞中有懷劉阮

再到天台訪玉真青苔白石已成塵笙歌寂寞閑深  
洞雲窈蕭條絕舊鄰草樹總非前度色烟霞不似往  
年春桃花流水依然在不見當時勸酒人

右劉

阮再到天台不復見張仙子

按五詩刻在府城東桃源洞中右壁上爲五幅草  
書各幅末並有印文曰顛仙俗間謂桃源洞有張  
三丰仙跡卽指此與洞口三詩莫有知其爲顛仙  
者矣又考此五詩乃曹唐大遊仙詩顛仙書之而  
未係所出故並詳焉

鶴鳴洞詩刻

存

黑頭猶未是龍鍾客氣消磨逸興濃回首

也於范蠡繼高縱

顛仙

印文曰致政憲使後三詩印文同

光陰過隙駒人間閑事好祛除元晦朱夫

子也在泉讀道書

深處夜書

年來希又希陶豈爲虛名強折腰獨倚南窗無一

事清風袖更飄飄鶴鳴洞避暑偶書

碌碌紅塵夢一場閒雲笑我向來狂茲長揖歸山

去莫漫兒童說子房右致政公宴有作

按四詩刻府城南三十里天池上鶴鳴洞中石壁

左右各二洞中額刻徑六寸書鶴鳴風景四字中  
又刻四時八節神炁皆草書又有草書六行不可  
識

棲神石刻存

按刻在府城北三十五里獅子山李氏墳上乃石  
榜楷書棲神所在四犬字旁書顛仙題陰有草書  
亦顛仙之跡顛仙數刻無年月以先天觀碑類附  
溪山青詩刻存

溪山青溪水綠雲霞深處蟠桃熟西風忽落桃一枝  
欲爲人間療塵俗  
柴存書

按此刻與白飛霞字同在竹颺溪上草書末題二字細審上一字上半爲草書此木二字下半爲存字疑爲柴存下一字則書字也柴存無可考疑亦顛仙輩所爲姑附此

大魚塘石刻

存

按刻在正安州東二十里大魚塘側石壁上鐫孟通二大字末書嘉靖甲申十二月六日丙申貴國忠定公元孫宋淶書考甲申嘉靖三年

海龍岡示禁碑

存

按碑在府城北四十里海龍岡上文已載土官傳



碑首題海龍固驃騎將軍示諭龍巖固嚴禁碑又  
國上有楊逆飛龍關石額題銜云驃騎將軍楊應  
龍書皇明萬曆丙申歲夾鍾月己未日  
世芬立考丙申乃萬曆二十四年詎平播才五年  
耳逆志一萌遂隕祖宗八百餘年之侯祚何其愚  
哉

童仲悞詩碑存

按碑在府城東桃源洞口行書甚清拔二七絕亦  
秀逸可喜末書萬曆乙未仲春江東童仲悞題乙  
未在萬曆二十三年仲悞明史有傳曾爲四川都

督同知當時以何事至播不可考矣詩已載菽文  
甕海楊氏鄉禁崖刻存

按刻在府城西五十里下甕海溪側卽一方丈大  
石周圍刻之字蹟模糊略識數語知爲楊氏時與  
鄉人禁約未得年月姑置之平播前

桃源山銅標銘

重刻石

皇帝二十有八年播人不軌天王赫怒爰整六師以  
誅不供粵有四月盡俘厥醜遂渚其宮方三千里始  
入皇封載勒銅標永鎮西南臣李化龍

按明二十八年平播勒銅標桃源山銘文見補全

蜀藝文志及舊府志貴州通志云銅標在府城東  
桃源洞勒平播功兵備道傳光宅建今廢意自勝  
國天啟來迄我

大清康熙二十年前水蘭孫吳諸役迭經兵燹卽以失之  
矣云光宅建者謂經理建之心齋隨筆云李公銅  
柱銘凡二一在龍巖山特數字小異不軌作告註  
天王作天皇粵有四月作百十有四日厥醜作羣  
醜千里下多設吏治之四字餘文同紬繹其文龍  
巖者爲長疑當日同文異標補蜀藝文轉寫譌奪  
而舊志從之耳考四川通志金石門云銅柱李化

龍鑄高一丈三尺鑄銘其上運豎海龍國之顛其  
文曰云云與隨筆所記龍巖文同龍巖山卽海龍  
國心齋卽據川志也道光二十年署遵義知縣楊  
書魁遵義府經歷胡祖寅重立石府城東桃源山  
以備掌故云

海龍國銅標銘

說見前

銅鼎銘

維星拱北維水朝東天王御極八方會同惟西南夷  
各世其封惟敬天念祖庶不墜厥宗順天者吉逆天  
者凶以爲不信視楊應龍

按四川通志銅鼎明萬厯中總督李化龍平播後  
命重慶府將軍前給軍銅鍋盡數收集改鑄鼎器  
頒發各土司永爲鑒戒其銘云云

劉綎桃源洞鑿壁絕句

逸

按絕句見貴州通志及陳志已載菰文

劉綎夜郎溪鑿壁

存

除暴安民

按四字在桐梓縣北二百五十里夜郎溪上綎征  
播還時刻

通商碑

存

按碑在仁懷縣土城萬厯辛丑冬威遠衛指揮袁  
初立文載賦稅

王鳴鶴詩碑存

按碑在海龍固上行書已殘斷不可讀末款猶存  
淮陰王鳴鶴字有印文曰羽卿知鳴鶴淮陰人字  
羽卿

此碑無年月姑列林

刻之前

林桐題王羽卿詩後刻石存

按刻末題云時大明萬厯甲辰秋七月之望甲辰  
乃萬厯三十二年文已載宦績傳

侯國弼摩崖存

天子萬年

按四大字刻在府城東南迴龍山半末書清溪侯國弼題國弼繼林桐爲總兵官故附其後

創建綏陽縣碑存

按碑在縣萬曆甲辰年巡按況上進撰文  
載宦績甲辰萬曆三十二年

創建綏陽縣文廟碑存

按碑在縣城萬曆三十二年知縣詹淑撰

文載學校

升公講堂銘存

按銘在綏陽縣旺草里明知縣詹淑撰時萬曆三十二年銘載古蹟

儒溪書院存疑記存

按記在綏陽縣大溪源明知縣詹淑撰載古蹟

飛龍洞記存

飛龍洞古曠與宵天造地設洵夜郎第一勝概也俗稱馬孔無亦龍之飛騰變化世所罕覩或迹其近似而詫之乎桂蒞茲土每搜奇攬勝攜友頻遊徘徊竟日不欲遽去嗟乎宇宙內名山異迹阻于僻壤不售



知人世者何可勝數借令茲洞置於大邑通都其爲  
名人品賞艷稱當無盡矣不佞桂觴之咏之琢之磨  
之鐫題而標異之漫綴數語以誌月日今而後洞名  
飛龍其亦可以不泐也夫關中王桂

按記在桐梓縣飛龍洞口

建遵義府學碑亡

按碑凡二舊在府城內縣治左舊學基並萬厯三  
十七年建一知府孫敏政撰一按察使渝人傅寵  
撰

孫公橋碑存

按碑在桐梓縣東北二里萬曆三十八年仲冬知縣萬建侯撰記載關梁孫公知府孫敏政也與建侯共創斯橋

綏陽縣建學碑存

按碑在縣城  
萬曆三十九年知縣馮士奇

撰文載學校

新建武安王廟碑存

建城隍廟廊門碑存

詹公生祠碑存

按三碑並在綏陽縣城中並知縣馮士奇撰文載

祠廟

重修儒溪書院記

存

按碑在綏陽縣朗里大溪源之江家灣右里許明  
知縣馮士奇撰碑高七尺一寸寬三尺一寸許額  
有儒溪書院四大字碑臥荒莽中裂爲三段字蹟  
端楷惜多剝蝕記文載綏陽志已據收入古蹟中  
記末云因賦拙句二絕以寄唐宋乎今幾代更  
儒溪書院尙傳名何必問存畱千古振  
交情又自傷當年洒淚厚劉郎

料爲鄉人

萬歷壬子歲季冬之

吉知綬陽縣事馮主簿浮陰韓邦泰典

史古亭朱樓生員陳王謨張四維譚昌祚汪至

舒國棟萬中一考壬子乃萬歷四十年

程仲愚鑿壁詩存

按詩在府城東桃源洞中石壁上行書五古有三  
孟味末題乙卯夏五古廬陵程仲愚子及題乙卯  
疑萬歷四十三年詩已載藝文

增修高巖祠碑存

按碑在府城東十里川主廟中記文入祠廟末書  
萬歷四十六年戊午知遵義縣事楚廣濟劉人表

撰遵義軍民府知府杜同知張推官熊威遠衛指揮羅人寵鎮撫陳一龍分守黎雅遊擊周世祿考威遠衛鎮撫官所見惟此耳且可見一龍之前階

遵義兵巡道題名記

存

嘗攷播州爲井鬼分野屬牂柯故地前代建置沿革不一唐末始淪於彝宋元以後間亦廢置我明因之更署宣慰使轄屬川東自逆酋煽亂致厘王師削平之郡縣其地亦何鄭重乃封疆所屆延袤千餘里強半褒谷隩區厥田上中賦可三萬緡鋸其他隸在黔省不與焉若是則郡縣足矣何以監司爲哉是不然

播昔爲蠻夷君長今一旦受漢官要束妖氛初靖反側未安苗穴比隣剽掠足慮堂奧之憂門庭之寇庸詎可晏然已乎又四方亡命托足斯土往往椎埋爲土奸叢爾郡治越在省會東南邊徼孤懸一隅民生痼瘵吏治惰窳豈臺使者耳目所能周咨至於戍卒強弱糧糗贏詘一切簡練儲峙非監司之任而誰此其責亦綦鉅矣當事者持籌而計特疏於朝專設一兵巡道彌節郡內所爲桑土綢繆慮至茲也恭覲勅書所載嚴城守謹斥候與夫積饌募兵鋤強禦暴興利除害悉責成於監司赫赫王言不啻諄切可畏哉

其誰敢溺職以自干功令而議者乃謂兵可省不知去而官兵必藉土著此輩狼子野心鴟張豕突彼重則我輕是我以柄倒持也又或謂餽可自給不知田賦所入止有此數無雨粟點金之術而妄議節縮卒然呼庚癸是我以肘腋養亂也倒柄外患養亂內憂重創之而輕守之以徼倖于瓦注之全母乃以封疆戲乎矧不佞以茫昧承之抑又難矣頃雖藉手郡邑長令經畫少損不急以佐公帑僅得三千餘緡視額饒十不當一而予技亦已窮所未逮者不無俟後之君子抑又聞之技擊不足當節制則教士固難於養

士已不佞業已議餉母亦惟是行右轅左前矛後勁  
置八陣三才鴛鴦率然諸陣而親鼓之俾軍令修明  
內安外攘而無五大五細是愚或足術耳不然日敝  
敝焉振刷神采而猥欲威伸邊陲也不亦重失上命  
監司意哉先是播平迄今駐鎮凡九人爵里姓氏概  
未有識茲特蒐而被之貞珉併爲之記以書於上方  
用備督學使杜君攷覽而收之蜀乘語曰川事不忘  
後事之師此舉也倘以彰往勸來則僭踰之罪不佞  
其何辭矣

萬厯己未歲始洗月之吉賜進士第中憲大夫奉旨



勅遵義兵巡道四川按察司副使滇南孫學易撰并書

按碑在府署大堂上補蜀藝文志川貴通志俱載此文

陳子昂祠堂記存

按記在綏陽縣西祠堂中明劉仁臣撰在萬曆四十七年文見古蹟

安攘碑存

欽差總理監軍道四川提刑按察司副使盧公祖安攘碑

水蘭跳梁血流草莽天生盧公內外安攘俟補文未全

天啟六年孟春建

按碑在綏陽縣西十七里螺水寺外

母公遺愛碑存

按碑在綏陽縣西螺水寺外崇禎二年爲知縣母

楊祖建

高巖山重修廟碑存

按碑在府城東十里川主廟中額題重新殿宇碑

記六篆字記後書皇明崇禎四年辛未歲秋七月

初一日巳卯之吉翰林院兼修國史經筵日講起

居注國子監司業雪齋陳盟撰此後書當時鎮道府及防守各隘諸職官甚詳可補舊志之闕皆三  
據載職官卷中記文見祠廟

勝龍菴記存

按記在府城北五里大道右勝龍山上嘉慶間舉人張自信得之山下溪中有云天啟間水藺發難城垣殘破一切寺宇悉被傾蹂勝龍亦邱墟焉佛像沐雨披風靈莫安矣信善歐萬貴不憚奔走張蓋以覆結茅而蔽仍發心捐資精加繪塑集眾善重造殿宇至今落成勒石以誌崇禎五年

張公碑序

大將軍聶公紹江諱文敬平妖奇勲碑

遵義原播土也郡縣後界在遐荒視全蜀爲最僻而  
遵義縣十三里獨天旺忠莊西隅視全遵義又爲最  
僻天啟元年辛酉經西蘭兩酋交訐人空土滿一帶  
地方淪爲獸藪幾幾草昧世宇四年甲子幸先任本  
道盧公督師復遵筴須老成持重隱然干城者彈壓  
各隘果知人善任乃以中澤重地藉公駐鎮公至隘  
之日野無遺民道鮮行邁公三年招徠三年植養民  
始業耕業讀業商業賈各就厥事而熙熙然帖席至

若整兵伍嚴訓練使狡夷不敢窺伺尤較著云以故  
三里之內人安而忘其爲功材集而忘其爲德斯公  
之大造也遞至上歲正旬有妖妄張道興醜類數千  
作法而麾斃成騎布陳而洒豆成卒怪術百出魔種  
萬狀始倡禍于遵北繼連結于水西內外通謀啖我  
遵義其時士民遠近股慄荷公赤幘血戰陣斬道興  
餘孽潰散四夷瓦解解弭釁方張士民安枕如故公之  
宏功盛烈載在勳府不可磨滅而超遷直在旦晚夫  
禮有功於民百世祀且聞思叔子者望峴首而墮淚  
公前綏顛仆後備師旅禦災捍患無所不至頃若士

民寧晏然已乎因相率而鳴之道府憲台請勒石道旁以誌甘棠愛然公方來寄專閫任鎖鑰當一面而登九列將次第往寧區區僻壤祠且碑之足重哉時崇禎十三年庚辰歲季秋月

賜進士第中憲大夫戶部郎中刁化神撰

本道中軍馬鎔威遠衛羅萬彥合邑士民同立

按碑在遵義縣南四十五里長溪橋道旁

九層祠碑

存

按碑在仁懷縣崇禎十一年貴州監察御史馮晉

卿撰文載祠廟

周志偉詩

刻並存無年月以下

洞中僊子何年去野外元戎此日來  
綠樹蒼巖相掩映桃花流水空莓苔  
乾坤歲月留棋局城郭風烟落酒杯  
見說閭閻刀買犢不妨遊覽更登臺

閒情欲看僊人着勝地驚偕上將來  
洞口秋風飛落葉山中夜雨長鮮苔  
蠻童縛竹新成閣羽士烹泉旋洗杯  
簫管只疑天上奏連騎正好月明回

昔人已隨猿鶴去此地空遺麋鹿來  
豈有詩篇酬勝跡漫勞樽俎掃荒苔  
晴雲靄靄如迎蓋谷鳥嚶嚶似勸杯  
莫向登臨傷往事滔滔湘水去難回

按刻在桃源洞中顛仙或賣凝詩右楷書凡四詩  
第一五律已據陳志收入藝文不重錄末款書陽  
山周志偉志偉無可考詩云元戎云偕上將當是  
明末奢安之亂兩次復遵後志偉以幕客杯酒從  
遊耳其右一詩云山下桃源洞千古那知  
度來旭日樹清滿逕中苔蠻花剪  
落餘悉爲石乳所翳未詳何人卽來苔二韻同此  
三詩知爲當時唱和之作殘詩左又有梅東沈德  
元題美哉亭二律詩不錄知洞上會仙亭亦名美  
哉也三詩下有題桃源洞元妙觀二七律其一亦



已載藝文一不錄

題名處已爲後人所磨三詩上方之左又有行書  
未一刻云桃源洞口遊臨風寄慨幾千秋他  
年卜築處擬在白  
天  
播郡散更高梁郭  
凱題

女子劉王潔碑有

按碑在府城南縣學側心齋隨筆云遵義縣學樞  
星門有石碑半塊係女子劉王潔墓碑略云世居  
江西撫州金谿縣二都常豐里國初始祖劉漢傑  
從湯元帥征蜀後有某因征播事平欲家于播王

潔年方二八甚鍾愛之未幾亡云云餘多不可解以語氣求之大抵王潔父所立相傳爲劉綏女死葬此然綏南昌人而王潔乃撫州籍買不合惜碑殘無由攷證碑以乾隆間葺櫺星門掘出

黃公去思碑

逸

按碑爲明知府黃立言立陳志云在府署大門內前諸太守碑俱爲寇兵仆廢惟黃公立言去思碑歸然獨存循良之澤若有鬼神呵護者老舊府署卽今之副將署索之未得

永流巖仙書

有

按書在府城西六十里湖陽水下流水流巖上水至巖懸流可二十丈稍頓復懸流二十丈落于潭瀑聲如雷書當上疊石側色朱冒瀑過始能見究無識者

京觀碑存

按碑在府城東百里鐘峯山下刻京觀二字大五寸半隱半見其旁注小字不可識

合面巖石刻存

按刻在綏陽縣旺里云可歎人心不如石年年相顧不回頭

熊脂巖石刻存

按刻在綏陽縣旺里與合面巖近云不教臺榭此  
間畱雲點烟鬟雨洗愁恰似佳人空谷裏不施紅  
粉也風流

懷白亭詩碣逸

按陳志桐梓驛舊有懷白亭內豎蜀道難等五首  
詩碣今考新站太白亭內詩碑係從夜郎墳移來  
元碣已損乃舊搨別刊者其元碣卽杓爲跌夜郎  
墳舊有百碑臺以經過官多索搨本地苦供求遂  
悉埋田僅移二碑于此以塞責避擾今猶有能指

埋處者

十字巖石刻存

按刻在府城西南七十里凡十字奇古不可識  
長礮二石自然文存

礮礮  
中礮甲

福

按二石在綏陽縣長礮寺外青質白字自然成文  
或隱或顯過者值其顯乃見之

香風山篆字存

按府城東二十五里香風山腳巖上有靜懷莊三篆字

鑽字巖題字存

按字在府城南四十里石壁上壁高廣可二丈許俗呼鑽字巖巖上皆字乃墨書非鐫刻故老傳自昔如此殊不剝落

義府志卷十一